

摘藻堂四庫全書薈要

集部

欽定四庫全書薈要

集部

御定全唐詩卷六百三十

五至
九

詳校官原任主事臣李斯咏



欽定四庫全書薈要卷一萬八千四十

集部

御定全唐詩卷六百三十五

周繇

繇字為憲池州人咸通十二年登第調建德令辟襄陽徐商幕府檢校御史中丞詩一卷

送邊上從事

戎裝佩鎧走馬逐輕車
衰草城邊路殘陽壠上黃
河穿漢界青塚出胡沙
提筆男兒事功名立可誇

送洛陽崔員外

塞詔除嵩洛觀圖見廢興城遷周古鼎地列漢諸陵日
送歸朝客時招住嶽僧郡齋臺閣滿公退即吟登

送人尉黔中

盤山行幾驛水路復通巴峽漲三川雪園開四季花公
庭飛白鳥官俸請丹砂知尉黔中後高吟採物華

送宇文虞

此別欲何往未言歸故林行車新歲近落日亂山深野

店寒無客風巢

一作巢

動有禽潛知經目事大半是愁吟

題東林寺虎培泉

勝致通幽感靈泉有虎培爪擡山脉斷掌托石心拘竹
藹疑相近松陰蓋亦交轉令棲遁者真境逾難拋

登甘露寺

盤江

一作山

上幾層峭壁半垂藤殿鎖南朝像龕禪外國

僧海濤搗砌檻山雨灑窗燈日暮疎鐘起聲聲徹廣陵

甘露寺東軒

每日憐晴眺間吟只自娛山從平地有水到遠天無老
樹多封楚輕烟暗染吳雖居此廊下入戶亦躊躇

甘露寺北軒

曉色宜閒望山風遠益清白雲連晉閣碧樹盡蕪城水
靜沙痕出煙消野火平最堪佳此境為我長詩情

詠螢

熠熠與娟娟池塘竹樹邊亂飛同曳火成聚却無煙微
雨灑不滅輕風吹欲燃舊曾書按上頻把作囊懸

望海

蒼茫空泛日四顧絕人煙半浸中華岸旁通異域船島
間應有國波外恐無天欲作乘槎客翻愁去隔年

送楊環校書歸廣南

天南行李半波濤灘樹枝枝拂戲猱初著藍衫從遠嶠
乍辭雲署泊輕艘山村象踏枕榔葉海外人收翡翠毛
名宦兩成歸舊隱徧尋親友興何饒

經故宅有感

身沒南荒雨露賒朱門空鎖舊繁華池塘鑿就方通水
桃杏栽成未見花異代圖書藏幾篋傾城羅綺散誰家
昔年埏埴生靈地今日生人為歎嗟

送入蕃使

獵獵旗旛過大荒敕書猶帶御烟一作爐香滹沱河凍軍

迴探邏迹城孤雁著行遠塞風一作燒狂移帳幕平沙日

晚卧牛羊早終冊禮朝天闕莫遣虬髯染塞霜

白石潭秋霽作

潭心烟霧破斜暉
殷殷雷聲隔翠微
崖底盤渦翻蜃窟
灘吹白石上漁磯
陵風舴艋謳啞去
出水鷗鷄薄泊飛
秋霽更誰同此望
遠鐘時見一僧歸

題金陵栖霞寺贈月公

明家不要買山錢
施作清池一作花宮種白蓮
松檜老依雲

外地樓臺深鎖洞
中天風經絕頂迴
疎雨石倚危屏挂
落泉欲結茅菴伴
師住肯饒多少辟
蘿煙

嘲段成式

一作廣陽公宴段柯古速罷馳騁坐
觀花艷或有眼飽之嘲因賦此詩

感鞠且徒為寧如目送時報讐
言慙選更存想恨淩遲促
坐疑辟呬銜孟強朶頤恣情窺
窈窕曾恃好風姿色授
應難奪神交願莫辭請君看曲譜
不負少年期

送江州薛尚書

一作郎中

匡廬千萬峰影匝郡城中忽佩虎符去
遙疑鳥道通煙霞時滿郭波浪暮連空
樹翳樓臺月帆飛鼓角風郡齋多
嶽客鄉戶半漁翁王事行春外題詩寄遠公

津頭望白水

晴江暗漲岸吹沙山畔船衝樹杪斜城郭半淹橋市鬧
鷺鷥繚繞入人家

公子行

青衫薄薄漏春風日暮鳴鞭柳影中回望玉樓人不見
酒旗深處勒花驄

看牡丹贈段成式

柯古前
看怯酒

金縷霞英疊彩香初疑少女出蘭房逡巡又是一年別
寄語集仙呼索郎

以人後遺段成式

人形上品傳方志我得真英自

一作白

紫團慙非叔子空

持藥更請伯言審細看

和段成式

迴簪轉黛喜猜防粉署裁詩助酒狂若遇仙丹借羽化
更隨蕭史亦何傷

玉樹瓊筵映彩霞澄虛樓閣

一作澄波虛閣

似仙家只緣存想

歸蘭室不向春風看夜花

此首題一作和段柯古不赴光風亭夜宴

御定全唐詩卷六百三十五

欽定四庫全書薈要卷一萬八千四十一

集部

御定全唐詩卷六百三十六

聶夷中

聶夷中字坦之河東人咸通十二年登第官華陰尉詩
一卷

雜興

兩葉能蔽目雙豆能塞聰理身不知道將為天地聾擾
擾造化內茫茫天地中苟或有所願毛髮亦不容

雜怨

一作孟郊詩
題云征婦怨

生在綺羅下
豈識漁陽道
良人自成來
夜夜夢中到
漁陽萬里遠
近於中門限
中門踰有時
漁陽常在眼

孟郊詩生

在綺羅下四句在後
漁陽萬里遠四句在前

君淚濡羅巾
妾淚滴露塵
羅巾今在手
日得隨妾身
路塵如因風
得上君車輪

孟郊詩君淚濡羅巾上尚有四句

行路難

莫言行路難
夷狄如中國
謂言骨肉親
中門如異域
出

處全在人路亦無通塞門前兩條轍何處去不得

大垂手

金刀翦輕雲盤用黃金縷裝束趙飛燕教來掌上舞舞罷飛燕死片片隨風去

空城雀

一作孟郊詩

一雀入官倉所食能損幾所慮往復頻官倉乃害爾魚網不在天鳥網不在水飲啄要自然何必空城裏

胡無人行

男兒狗大義立節不沽名腰間懸陸離大歌胡無行不
讀戰國書不覽黃石經醉卧咸陽樓夢入受降城更願
生羽翼飛身入青冥請攜天子劍斫下旄頭星自然胡
無人雖有無戰爭悠悠哉典屬國驅羊老一生

詠田家

一作傷田家

二月賣新絲五月糶新穀醫得眼前瘡剗却心頭肉我
願君王心化作光明燭不照綺羅筵只照逃亡屋

燕臺二首

燕臺累黃金上欲招儒雅貴得賢士來更下於隗者自然樂毅徒趨風走天下何必馳鳳書旁求向林野

燕臺高百尺燕滅臺亦平一種是亡國猶得禮賢名何似章華畔空餘禾黍生

古興

片玉一塵輕粒粟山丘重唐虞貴民食祇是勤播種前聖後聖同今人古人共一歲如苦饑金玉何所一作將何用

勸酒二首

白日無定影清江無定波人無百年壽百年復如何堂
上陳美酒堂下列笙歌與君入醉鄉醉鄉樂天和歲歲
松栢茂日日丘陵多君看終南山萬古青峩峩

灞上送行客聽唱行客歌適來橋下水已作渭川波人
間榮樂少四海別離多但恐別離淚自成苦一作浩水河
勸爾一杯酒所贈無餘多

飲酒樂

日月似有事一夜行一周草木猶須老人生得無愁一

飲解百結再飲破百憂
白髮欺貧賤不入醉人頭
我願東海水盡向杯中流
安得阮步兵同入醉鄉遊

公子行二首

漢代多豪族恩深益驕逸
走馬踏殺人街吏不敢詰
紅樓宴青春數里望雲蔚
金缸焰一作艷勝畫不畏落暉疾

美人盡如月南威莫能一作不敢
足芙蓉自天來不向水中

出飛瓊奏一作綺雲和碧簫吹鳳質
唯恨魯陽死無人

駐白日

花樹出牆頭花裏誰家樓一行書不讀身封萬戶侯美
人樓上歌不是古涼州

短歌

八月木陰

一作
蔭

薄十葉三墮枝人生過五十亦已同此

時朝出東郭門嘉樹鬱參差暮出西郭門原草已離披

南鄰好臺榭北鄰善歌吹榮華忽已銷歇

一作
散

四顧令人悲

生死與榮辱四者乃常期古人耻其名没世無人知無

言鬢似霜勿謂事

一作
髮

如絲耆年無一善何殊食乳兒

過比干墓

殷辛帝天下厭爲天子尊乾綱既一斷賢愚無二門佞
是福身本忠作喪已源餓虎不食子人無骨肉恩日影
不入地下埋冤死魂腐骨一作肉不爲土應作石一作木

根余來過此鄉下馬弔此墳靜念君臣間有道誰敢一作
有誰論敢抗

住京寄同志

在京如在道日日

一作夜

先雞起不離十二街日行一百

里役役大塊上周朝復秦市貴賤與賢愚古今同一軌
白兔落天西赤鷁飛海底一日復一日日日無終始自
嫌性如石不達榮辱理試問九十翁吾今尚如此

贈農

一作孟郊詩

勸爾勤耕田盈爾倉中粟勸爾無伐桑減爾身上服清
霜一委地萬草色不綠狂風一飄林萬葉不著木青春
如不耕何以自拘束

客有追歎後時者作詩勉之

後達多晚榮速得多疾傾君看構大廈何曾一日成在
暖須在桑在飽須在耕君子貴弘道道弘無不亨太陽
垂好光毛髮悉見形我亦二十年直似戴盆行荆山產
美玉石石皆堅貞未必盡有玉玉且間石生精衛一微
物猶恐填海平

訪嵩陽道士不過

先生五岳遊文焰滅

一作藏

金鼎日

一作月

下鶴過時人間

空落影常言一粒藥不隨死生境何當列禦寇去問仙

人請

早發鄴北經古城

微月東南明雙牛耕古城但耕古城地不知古地名當
昔置此城豈料今日一作人耕蔓草已離披狐兔何縱橫

秋雲零落散秋風

一作風雨

蕭條生對古良可歎念今轉傷

情古人已冥冥今人又營營不知馬蹄下誰家舊臺亭

題賈氏林泉

市朝束名利林泉繫清通豈知黃塵內迴有白雲蹤輕

流逗密篠直榦入寬

一作高

空高吟五君詠疑對九華峰

我知種竹心欲扇清涼風我知決泉意將

一作欲

明濟物

功有琴不張弦衆星列

一作落

梧桐須知澹泊聽聲在無

聲中地非樵者路武陵又何逢祇慮迷所歸池上日西

東

送友人歸江南

皇州五更鼓月落西南維此時有行客別我孤舟歸上

國身無主下第誠可悲

秋夕

日往無復見秋堂暮仍學玄髮不知白曉入寒銅覺爲
材未離羣一作辭樹有玉猶在璞誰把碧桐枝刻作雲門樂

哭劉駕博士

出門四顧望此日何徘徊終南舊山色夫子安在哉君
詩如門戶夕閉晝還開君名如四時春盡夏復來原野
多丘陵累累如高臺君墳須數尺誰與夫子偕

公子家

一作長安花
一作公子行

種花滿西

一作田

園花發青樓道花下一禾生去之為惡

草

田家二首

父耕原上田子劓山下荒六月禾未秀官家已修倉

鋤田當日午汗滴禾下土誰念盤中餐粒粒皆辛苦

此篇

一作李

紳詩

雜怨

良人昨日去明月

一作日

又不圓

一作還

別時各有淚零落

青樓前

烏夜啼

衆鳥各歸枝
烏烏爾不棲
還應知妾恨
故向綠窗啼

起夜來

念遠心如燒
不覺中夜起
桃花帶露泛
一作立在明月

裏

古別離

一作孟郊詩

欲別牽郎衣
問郎遊何處
不恨歸日遲
莫向臨邛去

長安道

此地無駐馬夜中猶走輪所以路傍草少於衣上塵

遊子行

一作吟

萱草生堂階遊子行天涯慈親倚門望不見萱草花

聞人說海北事有感

故鄉歸路隔高雷見說年來事可哀村落日中眠虎豹
田園雨後長蒿萊海隅久已無春色地底真成有劫灰
荊棘滿山行不得不知當日是誰栽

御定全唐詩卷六百三十六

欽定四庫全書薈要卷一萬八千四十二

集部

御定全唐詩卷六百三十七

顧雲

顧雲字垂象池州人風韻詳整與杜荀鶴殷文圭友善
同肄業九華咸通十五年登第為高駢淮南從事師鐸
之亂退居雪川杜門著書大順中與羊昭業盧知猷陸
希聲錢翊馮渥司空圖等分修宣懿德三朝實錄書成
加虞部員外郎乾寧初卒存詩一卷

華清詞

祥雲皓鶴盤碧空
喬松稍稍韻微風
絳節影來朱旛響
丁東相公清齋朝
藥宮太上符籙龍
蛇蹤散花天女侍
香童隔煙遙望見
雲水彈璫吹鳳清
瓏瓏丹砂黃金世
可度願啓一言告
仙翁道門弟子山
中客長向山中禮
空碧九色真龍上
漢時願把霓幢引
煙策

天威行

蠻嶺高蠻海濶去
舸迴艘投此歇一
夜舟人得夢間草

草相呼一時發颶風忽起雲顛狂波濤擺掣魚龍殪海
神怕急上岸走山靈股慄入石藏金蛇飛狀霍閃過白
日倒挂銀繩長轟轟礪礪雷車轉霹靂一聲天地戰風
定雲開始望看萬里青山分兩片車遙遙馬闐闐平如
砥直如弦雲南八國萬部落皆知此路來朝天耿恭拜
出井底水廣利刺開山上泉若論終古濟物意二將之
功皆小焉

築城篇

三十六里西川地圍遶城郭峩天橫一家人率一口甕
版築纔興城已成役夫登登無倦色饌飽酒酣方暫息
不假神龜出指蹤盡憑心匠為籌畫畫閣團團真鐵甕
堵濶巉巖一作巉巖齊石壁風吹四面旌旗動火焰相燒滿
天赤散花樓晚挂殘虹濯錦秋江澄倒碧西川父老賀
子孫從茲始是中華人

蘇君廳觀韓幹馬障歌

杜甫歌詩吟不足可憐曹霸丹青曲直言子弟韓幹馬

一作畫

畫馬無骨但有肉今日披圖見筆跡

一作蹤

始知甫

也真凡目秦王學士居武功六印名家聲價雄乃孫屈
跡寧百里好奇學古有祖風竹廳斜日奕碁散延我直
入書齋中屹然六幅古屏上歛見胡人牽入天廐之神
龍麟鬚鳳臆真相似秋竹慘慘披兩耳輕勻杏葉糝皮
毛細撚銀絲插駿尾思量動步應千里誰見初離渥洼
水眼前只欠燕雪飛蹄下如聞朔風起朱崖謫掾從亡
歿更有何人鑒奇物當時若遇燕昭王肯把千金買枯

骨

苔歌

檻前溪奪秋空色百丈潭心數砂礫松筠一作籟條條長

碧苔苔色碧於溪水碧波迴梳開孔雀尾根細貼著盤

陀石撥浪輕拈出少時一髻濃煙三四尺山光日華亂

相射靜縷藍髻勻鬟積試把臨流一作風抖擻看琉璃珠

子淚雙一作雙雙滴如看玉女洗頭處解破雲鬟收未得即

是仙宮欲製六銖衣染絲未倩鮫人織採之不敢盈筐

篋苦怕龍神河伯惜瓊蘇玉鹽爛漫煮噉入丹田續靈
液會待功成插翅飛蓬萊頂上尋仙客

池陽醉歌贈匡廬處士姚巖傑

九華太守行春罷

一作暇

高絳紅筵壓花榭四面繁英拂

檻開帖雪團霞墜枝亞空中焰若燒藍天萬里滑靜無
纖煙弦索緊快管聲脆急曲碎拍聲相連主人憐才多
傾興許客酣歌露真性春酎香濃枝蓋黏一醉有時三
日病黿潭鱗粉解不去鴉嶺藥花澆不醒肺枯似著爐

鞢煽腦熱如遭鎚鑿釘蒙溪先生梁公孫忽然示我十
軸文展開一卷讀一首四顧特地無涯垠又開一軸讀
一帙酒病豁若風驅雲文鋒幹破造化窟心刃掘出興
亡根經疾史恙萬片恨墨炙筆鍼如有神呵叱潘陸鄙
瑣屑提挈揚孟歸孔門時時說及開元理家風颯颯吹
人耳吳兢纂出升平源十事分明鋪在紙裔孫才業今
如此誰人為奏明天子鑾駕何當獵左馮神鷹一擲望
千里戲操狂翰浣蠻牋傍人莫笑我率然

詠柳二首

帶露含煙處處垂
綻黃搖綠嫩參差
長堤未見風飄絮
廣陌初憐日映絲
斜傍畫筵偷舞態
低臨妝閣學愁眉
離亭不放到春暮
折盡拂簷千萬枝

閒花野草總爭新
眉皺絲乾獨不勻
乞取一作與東風殘
氣力莫教虛度一年春

御定全唐詩卷六百三十七

欽定四庫全書薈要卷一萬八千四十三

集部

御定全唐詩卷六百三十八

張喬

張喬池州人咸通中進士黃巢之亂罷舉隱九華詩二卷

宴邊將

一曲梁州金石清邊風蕭颯動江城座中有老沙場客
橫笛休吹塞上聲

郢州即事

孤城臨遠水千里見寒山
白雪無人唱滄洲盡日間
鳥歸殘燒外帆出斷雲間
此地秋風起應隨計吏還

送賓貢金夷吾

一作魚

奉使歸本國

渡海登仙籍還家備漢儀
孤舟無岸泊萬里有星隨
積水浮魂夢流年半別離
東風未迴日音信杳難期

一作知

華山

誰將倚天劒削出倚天峯
衆水背流急他山相向重
樹

黏青靄合崖夾白雲濃一夜盆傾雨前湫起毒龍

滕王閣

一本下有
寫望二字

昔人登覽處遺閣大江隅

一作創來人世
殊幾度繞汀蘆

疊浪有時有

閒雲無日無早涼先燕去返照後帆孤未得營歸計菱

歌滿舊湖

寄處士梁燭

賢哉君子風諷

一作誦

與古人同採藥楚雲裏移家湘水

東星霜秋野濶雨電夜山空早晚相招隱深耕老此中

送許棠下第遊蜀

天下猿多處西南是蜀關馬登青壁瘦人宿

一作度

翠微

閒帶雨逢殘日

一作火

因江見斷山行歌風月好莫老錦

城間

題終南山白鶴觀

上徹鍊丹峯求玄意未窮古壇青草合往事白雲空仙

境日月外帝鄉

一作城

煙霧中人間足煩暑欲去戀松

一作

清風

贈邊將

將軍誇膽氣功在殺人多對酒擎鍾飲臨風拔劍歌
翻師平碎葉掠地取交河應笑孔門客年年羨四科

弔建州李員外

銘旌歸故里猿鳥亦悽然已葬桐江月空迴建水船
客傳為郡日一作政僧說讀書年恐有吟魂在深山古木邊

送許崇及第歸宣州

雅調一生吟誰為達晚心傍人賀及第獨自却霑襟
宴

別喧天樂家歸礙日岑青門許攀送故里接雲林

送龐百篇之任青陽尉

都堂公試日詞翰獨超羣品秩台庭與篇章聖主聞鄉
連三楚樹縣對九華雲多少青門客臨岐共羨君

曲江春

尋春與送春多遶曲江濱一片鳬鷺水千秋輦轂塵岸
涼隨衆木波影逐一作送遊人自是遊人老年年管吹新

秦原春望

無窮名利塵軒蓋逐年新北闕東堂路千山萬水入雲
離僧榻曙燕遠鳳樓春荏苒文明代難歸釣艇身

遊華山雲際寺

一作遊少華山甘露寺

少華中峰寺高秋衆景歸地連秦塞起河隔晉山微晚
木蟬相應涼天鴈並飛殷勤記巖石祇恐再來稀

送碁待詔朴球歸新羅

海東誰敵手歸去道應孤闕下傳新勢船中覆舊圖窮
荒迴日月積水載寰區故國多年別桑田復在無

送鄭谷先輩赴汝州辟命

看花興未休已散曲江遊
載筆離秦甸從軍過洛州
嵩雲將雨去汝水背城流
應念依門客蒿萊滿徑目一作秋

贈敬亭清越上人

海上獨隨緣一作海畔
與窮邊

歸來二十年久閒時得句漸老

不離禪砌木歌臨水窗峰一作蓬
直倚天猶期向雲裏別

掃石床眠

題一作遊靈山寺

樹涼清島寺虛閣敞禪扉四面閒雲入中流獨鳥歸湖
平幽徑近船泊夜燈一作香微一宿秋風裏煙波隔擣衣

弔栖白上人

今古遘相送幾時無逝波篇章名不朽寂滅理如何內
殿留真影閒房落貝多從茲高塔寺惆悵懶經過

北山書事

黃河一曲山天半鎖重關聖日雄藩靜秋風老將閒車
輿穿一作寄谷口市井響雲間大野無飛鳥元戎校獵還

長安書事

出送鄉人盡滄洲未得還秋風五陵樹晴日六街山有
景終年住無機是處閒何當向雲外免老別離間

送鄭侍御赴汴州辟命

官從諫署清暫去佐戎旌朝客多相戀一作送吟僧欲伴

行河冰天際白嶽雪眼前明即見東風起梁園聽早鶯

弔造微上人

至人隨化往遺路自堪傷白塔收真骨青山閉影堂鐘

殘舍細韻煙

一作印

滅有餘香松上齋鳥在遲遲立夕陽

經隱巖舊居

一作懷舊遊

夜久村落靜徘徊楊柳津青山猶有路明月已無人夢

寐空

一作生

前事星霜倦此身嘗期結茅處來往躡遺塵

再題敬亭清越上人山房

重來訪惠休已是十年遊向水千松老空山一磬秋石
窗清吹入河漢夜光流久別多新作長吟洗俗愁

浮汴東歸

日暖泗濱西無窮岸草齊薄煙衰草樹微月迴城雞水
近滄浪急山隨綠野低羞將舊名姓還向舊遊題

雨中宿僧院

千燈有宿因長老許相親夜永樓臺雨更深江海人勞
生無了日妄念起微塵不是真如理何門靜此身

江行至沙浦

煙霞接杳冥旅泊寄迴汀夜雨雷電歇春江蛟蜃腥城
侵潮影白嶠截鳥行青徧欲探泉石南須過洞庭

送友人歸江南

辛勤同失意，迢遞獨還家。
落日江邊笛，殘春島上花。
親安誠可喜，道在亦何嗟。
誰伴高吟處，晴天望九華。

劉補闕自九華山拜官因以寄獻

冥鴻人不羣，徵拜動天文。
地主迎過郡，山僧送出雲。
登車殘月在，宿館亂流分。
若更思林下，還須共致君。

岳陽即事

遠色岳陽樓，湘帆數片愁。
竹風山上路，沙月水中洲。
力

學桑田廢思歸鬢髮秋功名如不立豈易狎汀鷗

題興善寺僧道深院

江峰峰頂人受法老西秦法本無前業禪非為後身院
栽他國樹堂展祖師真甚願依宗旨求閒未有因

送龍門令劉滄

去宰龍門縣應思變化年還將魯儒政又與晉人傳峭
壁開中古長河落半天幾鄉因勸勉耕稼滿雲煙

送友人往

一作歸

宜春

一作江南

落花兼柳絮無處不紛紛
遠道空歸去
流鶯獨自聞
野橋喧磴水山郭入樓雲
故里南陵一作咳曲秋期更送君

書邊事

調角斷清秋
征人倚戍樓
春風對青塚
白日落梁州
大漢一作漠無兵阻窮邊
有客遊蕃情
似一作如此水長願向

南流

送僧雅覺歸東海

一作海東

山川心地內
一念即千重
老別關中寺
禪一作秋歸海外

峰鳥行來有路帆影去無蹤幾夜波濤息先聞本國鐘
和薛監察題興善寺古松

薛一作崔

種在法王城前朝古寺名瘦根盤地遠香吹入雲清鶴
動池臺影僧禪雨雪聲看來人旋老因此歎浮生
聽琴

清月轉瑤軫弄中湘水寒能令坐來客不語自相看靜
恐鬼神出急疑風雨殘幾時歸嶺嶠更過洞庭彈

送友人遊蜀

此心知者稀欲別倍相依無食擬同去有家還未歸
巴山開國遠劒道入天微必恐臨邛客疑君學賦非

聞仰山禪師往曹溪因贈

曹溪松下路猿鳥重相親四海求玄理千峰遶定身
異花天上墮靈草雪中春自惜經行處焚香禮舊真

藍溪夜坐

藍水警塵夢夜吟開草堂月臨山靄薄松滴露花香
詩外真風遠人間靜興長明朝訪禪侶更上翠微房

題鄭侍御藍田別業

秋山清若水吟客靜於僧
小徑通商嶺高窗見杜陵
雲霞朝入鏡猿鳥夜窺燈
許作前峰侶終來寄上層

送友人進士許棠

一本無進士二字

離鄉積歲年歸路遠依然
夜火山頭市春江樹杪船
干戈愁鬢改瘴癘喜家一作身
全何處營甘旨潮一作波濤浸

薄田

秘省伴直

喬枝聚暝禽，墨閣鎖遙岑。
待月當秋直，看書廢夜吟。
殘薪留火細，古井下一作汲瓶深。
縱欲抄前史，貧難遂此心。

宿昭應

夜憶開元寺，淒涼里巷間。
薄煙通魏闕，明月照驪山。
半壁空宮閉，連天白道閒。
清晨更回首，獨向灞陵還。

送陸處士

樽前放浩歌，便起一作處泛煙波。
舟楫故人少，江湖明月

多。孤峰經宿上，僻寺共雲過。
若向仙巖住，還應著薜蘿。

送韓處士歸少室山

江外歷千岑還歸少室吟地閒緱嶺月窗迴洛城砧石

竇垂寒

一作新

乳松枝長別琴他年瀑泉下亦擬置家林

贈初上人

竹色覆禪棲幽禽遶院啼空門無去住行客自東西井
氣春來歇庭枝雪後低相看念山水盡日話曹溪

送新羅僧

東來此學禪多病念佛緣把錫離巖寺收經上海船落

一作
捲帆敲石火宿島汲瓶泉水向扶桑老知無再少年

題山僧院

谿路曾來日年多與舊同地寒松影裏僧老磬聲中遠
水清風落閒雲別院通心源若無礙何必更論空

書梅福殿壁二首

梅真從羽化萬古是須臾此地名空在西山雲亦孤井
痕平野水壇級上春蕪縱有雙飛鶴年多松已枯

一自白雲去千秋壇月明我來思往事誰更得長生雅

韻磬鍾遠真風樓殿清今來為尉者天下有仙名

荆楚道中

前程曾未到岐路擬何

一作已矣

為返照行人急荒郊去鳥

遲春宵多旅夢夏閏遠秋期處處牽愁緒無窮是柳絲

送南陵尉李頻

重作東南尉生涯尚似僧客程淮館月鄉思海船燈晚
霧看春轂晴天見朗陵不應三考足先授詔書徵

將歸江淮書

一作冬歸有感

東風搖衆木即有看花期紫陌頻來日滄洲獨去時
郡因兵役苦家為海翻移未老多如此那堪鬢不衰

泂漢東歸

北去窮秦塞南歸遶漢川深山逢古跡遠道見新年
絕壁雲銜寺空江雪灑船縈迴還此景多坐夜燈一作煙前

送蜀客

劒閣緣空去西南轉一作過第幾州丹霄行客語明月杜鵑

愁露帶山花落雲隨野水流相如曾醉地莫滯少年遊

塞上

一作塞

下曲

勒兵遼水邊風急捲旌旄絕塞寒

一作陰

無樹

一作草

平沙

勢盡

一作去蓋

天雪晴迴探騎月落控鳴弦永定山河誓南

歸改漢年

一作下營看丰建傳號信狼煙聖代垂青史當書破虜年

送友人歸袁州

袁中謁烏清曾向此中行才子登科去諸侯掃榻迎山
藏明月浦樹遶白雲城遠想安親後秋風夢不驚

贈別李山人

分一作未

合老西秦年年夢白蘋曾為洞庭客還送洞庭

人語別惜殘夜思歸愁見春遙知泊舟處沙月自相親

一作滄浪濯纓

處應念滿衣塵

思宜春寄友人

勝遊雖隔年魂夢亦依然
瀑水喧秋思孤燈動夜船
斷虹全嶺雨斜月半溪煙
舊日吟詩侶何人更不眠

江行夜雨

江風木落天遊子感流年
萬里波連蜀三更雨到船
夢

殘燈影外愁積葦叢邊不及樵漁客全家住島田

一作不是

貪名利家

無負郭田

贈仰大師

仰山因久住天下仰山名井邑身雖到林泉性本清野

一作

雲居

一作看

處盡江月定中

一作時

明髻髻曾相識今

來隔幾生

江南逢洛下友人

洛下吟詩侶南遊只有君波濤歸路見蟋蟀在船聞曉

月江城出晴霞島樹分無窮懷古意豈獨遶湘雲

東湖贈僧子蘭

一作題
蘭上人

名利了無時何人暫訪師道情閒外見心地語來知竹
落穿窗一作忽穿葉松寒蔭井枝匡山許同社願卜挂帆期
隱巖陪鄭少師夜坐

幸喜陪騶馭頻來向北宵硯磨清澗石厨爨白雲樵竹
外村煙細燈中禁漏遙衣冠與文理靜語一作話對前朝

送三傳赴長城尉

一作送前輩讀
三傳任長城尉

登科精魯史為尉及良時高論窮諸國長才併幾司地
傾流水疾山疊過雲遲暇日琴書畔何人對手棋

送李道士歸南嶽

千峰湘水隔迢遞挂帆歸掃月眠蒼壁和雲著褐衣洞
虛懸溜滴徑狹長松圍只恐相尋日人間舊識稀

延福里秋懷

終年九陌行要路跡皆生苦學猶難至甘貧豈有成病
攜秋卷重閑著暑衣輕一別林泉久中宵御水聲

題玄哲禪師影堂

吾師視化身一念即遺塵
巖谷藏虛塔江湖散學人
雲迷禪處石院掩寫來真
寂寞焚香後閒階細草生

登慈恩寺塔

窗戶幾一作響層風清涼碧落中
世人來往別煙景古今

同列岫橫秦斷長河極塞空
斜陽越鄉思天末見歸鴻

送友人東歸

遠涉期秋卷將行不廢吟
故鄉芳草路來往別離心
挂

席春風盡開齋夏景深子規誰共聽江月上清岑

送僧鸞歸蜀寧親

歌詩精外學天子是知音坐夏宮鍾近寧親劔閣深高
名徹西國舊跡寄東林自此棲禪者因師滿蜀吟

送人歸江南

貧歸無定程水宿與山行未有安親計難為去國情島
煙孤寺磬江月遠船箏思苦秋迴日多應吟更清

將離江上作

白衣歸樹下青草戀江邊
三楚足深隱五陵多少年
寂寥聞蜀魄清絕怨湘弦
岐路在何處西行心渺然

別李參軍

王孫遊不遇況我五湖人
野店難投宿漁家獨問津
嶺分中夜月江隔兩鄉春
靜想青雲路還應寄此身

送睦州張參軍

重祿輕身日清資近故鄉
因知送君後轉自惜年芳
遠水分林影層峰起鳥行
扁舟此中去溪月有餘光

贈棋僧侶

機謀時未有多向奕棋銷已與山僧敵無令海客饒靜

驅雲陣起

一作出

疎點鴈行遙夜雨如相憶松窗更見招

題湖上友人居

豈得戀樵漁全家湖畔居遠無潮客信間寄嶽僧書野
白梅繁後山明雨散初逍遙向雲水莫與宦情疎

送友人歸宣州

失計復離愁君歸我獨遊亂花藏道發春水遶鄉流暝

火叢橋市晴山疊郡樓無為謝公戀吟過曉

一作晚

蟬秋

題古觀

急景滯衰老此經誰養真松留千載鶴碑隔六朝人洞
水流花早壺天閉雪春其如為名利歸踏五陵塵

送友人及第歸江南

豈易及歸榮辛勤致此名登車思往事回首勉諸生路

遶山光曉

一作曙

帆通海氣清秋期却閒坐林下聽江聲

送朴克侍御歸海東

天涯離二紀闕下歷三朝漲海雖然濶歸帆不覺遙驚
波時失侶舉火夜相招來往尋遺事秦皇有斷橋

弔前水部賈員外

籠中江海禽日夕有歸心魏闕長謠久吳山獨往深別
時羣木落終處亂猿吟李白墳前路溪僧送入林

題一作移小松

松子落何年纖枝長水邊劇開深一作新澗雪移出遠林

煙帶月棲幽鳥兼花灌冷泉微風動清韻閒聽罷琴眠

寄中岳顓頊先生

先生顓頊後得道自何人松栢卑於壽兒孫老却身夜
窗峰頂曙寒澗洞中春戀此逍遙境雲間不可親

送沈先輩尉昭應

餘才不廢詩佐邑喜閒司丹陛終須去青山未可期葉
凋溫谷晚雲出古宮遲若草東封疏君王到有時

送友人遊湖南

所投非舊知亦似有前期路向長江上帆揚細雨時春

生南嶽早日轉大荒
遲盡採瀟湘句重來會近期

江上送友人南遊

何處積鄉愁天涯聚亂流
岸長羣岫晚湖濶片帆秋
買酒過漁舍分燈與釣舟
瀟湘見來鴈應念獨邊遊

江南別友人

勞生故白頭頭白未應休
闕下難孤立天涯尚旅遊
聽猿吟島寺待月上江樓
醉別醒惆悵雲帆滿亂流

商山道中

春去計秋期長安在夢魚多逢山好處少值客行時雲
起爭峰勢花交隱澗枝停驂一惆悵應祇嶺猿知

吳江旅次

行人愁落日去鳥倦遙林曠野鳴流水空山響暮砧旅
途歸計晚鄉樹別年深寂寞逢村酒漁家一醉吟

寄南中友人

相夢如相見相思去後頻舊時行處斷華髮別來新浪
動三湘月煙藏五嶺春又無歸北客書札寄何人

寄績溪陳明府

古邑援聲裏空城只半存岸移無舊路沙漲別成村鼓
角喧京口江山盡汝墳六朝興廢地行子一銷魂

試月中桂

與月轉洪濛扶疎萬古同根非生下土葉不墜秋風每
以一作向圓時足還隨缺處空影高羣木外香滿一輪中

未種丹霄日應虛玉

一作白

兔宮何當因

一作如何當

羽化細

得問玄

一作神功

遊歙州興唐寺

山橋通絕境到北憶天台竹裏尋幽徑雲邊上古臺
鳥歸殘照出鐘斷細泉來為愛澄溪月因成隔宿迴

題詮律師院

院涼松雨聲相對有山情未許谿邊老猶一作還思嶽頂

行紗燈留火細石井灌瓶清欲問吾師外何人得此生

金山寺空上人院

已老金山頂無心上石橋講移三楚遍梵譯五天遙板

閣禪秋月銅瓶汲夜潮自慙昏醉客來坐亦通宵

題廣信寺

亭北敞靈溪林梢與檻齊野雲來影遠沙鳥去行低晚
渡明村火晴山響郡輦思鄉值搖落賴不有猿啼

御定全唐詩卷六百三十八

欽定四庫全書薈要卷一萬八千四十四集部

御定全唐詩卷六百三十九

張喬

興善寺貝多樹

還應毫末長始見拂丹青得子從西國成陰見昔朝勢
隨雙刹直寒出四墻遙帶月啼春鳥連空噪暝蜩遠根
穿古井高頂起涼颿影動懸燈夜聲繁過雨朝靜遲松
桂老堅任雪霜凋永共終南在應隨劫火燒

華山

青蒼河一隅氣狀杳難圖卓傑三峰出高竒四岳無力

疑擎上界勢獨壓中區衆水東西走羣山遠近趨天迴

諸宿照地聳百靈扶石壁煙霞麗

一作藤羅細

龍潭雨電麤

澄凝

一作清涼

臨甸服險固束神都淺覺川原異深應日月

殊鶴歸青霄合仙去白雲孤瀑漏斜飛凍松長倒挂枯

每來尋

一作探

洞穴不擬返江湖儻有芝田種巖間

一作商巖

老一

一作寄野

夫

送何道士歸山

身非絕粒本清羸，束挂仙經杖一枝。
落葉獨尋

一作遠路自隨

流水去深山，長與白雲期。
樹臨丹竈寒，花疾壇近清嵐。

夜月遲樵客，若能隨

一作過

洞裏迴歸人，世始應悲。

城東寓居寄知己

花木閒門苔蘚生，漣川特去得吟情。
病來久絕洞庭信，年長卻思廬岳耕。
落日獨歸林下宿，暮雲多繞水邊行。
干時退出長如此，頻愧相憂道姓名。

再書邊事

萬里沙西寇已平，犬羊羣外築空城。
分營夜火燒雲遠，校獵秋鷗掠草輕。
秦將力隨胡馬竭，蕃河流入漢家清。
羌戎不識干戈老，須賀當今一作時聖主明。

遊邊感懷二首

貧遊繚繞困邊沙，却被遼陽戰士嗟。
不是無家歸不得，有家歸去似無家。

兄弟江南身塞北，鴈飛猶自半年餘。
夜來因得思鄉夢，

重讀前秋轉海書

無題

一作贈友人

九霄無詔下何事觸清塵宅帶松蘿僻身惟猿鳥親吟
看仙掌月期有洞庭人莫問煙霞句懸知見岳神

蟬

先秋蟬一悲長是客行時曾感去年者又鳴何處枝細
聽殘韻在迴望舊聲遲斷續誰家樹涼風送別離

江上逢進士許崇

詩人推上第新榜又無君鶴髮他鄉老漁歌故國聞平
江流曉月獨鳥伴

一作鳥絆

餘雲且了髫年志沙鷗未可羣

送河西從事

結束佐戎旃河西住幾年龍頭隨日去磧裏寄星眠水
近沙連帳程遙馬入天聖朝思上策重待奏安邊

河湟舊卒

少年隨將討河湟頭白時清返故鄉十萬漢軍零落盡
獨吹邊曲向殘陽

促織

念爾無機自有情
迎寒辛苦弄梭聲
椒房金屋何曾識
偏向貧家壁下鳴

援

一作長
安贈援

挂月棲雲向楚林
取來全是為清音
誰知繫在黃金索

一作

鎖
翻畏侯家不敢吟

寄薦福寺棲白大師

第三句缺一字
第四句缺二字

高塔六街無不見
塔邊名出祇吾師
嘗聞朝客多相

記得

數句詩

越中贈別

東越相逢幾醉眠，滿樓明月鏡湖邊。
別離吟斷西陵渡，楊柳秋風兩岸蟬。

寄清越上人

一作寄山僧

大道一作真性本來無所染，白雲那得有心期。
遠公獨一作猶

刻蓮花漏一作獨猶

向空山

一作青山禮六時

宿齊山僧舍

一宿經窗卧白波萬重歸夢隔

一作曉隨
山月出

煙蘿若言不

得南宗要長在禪房事更多

春日遊曲江

日暖鴛鴦拍浪春蒹葭浦際聚青蘋
若論來往鄉心切
須是煙波島上人

漁家

擁棹思

一作釣
艇去

悠悠更深泛積流

一作煙波
春復秋

唯將一星

點

一作

火何處宿蘆洲

送人及第歸海東

東風日邊起草木一時春
自笑中華路年來送遠人

題河中鸛雀樓

高樓懷古動悲歌
鸛雀今無野燕

一作雀

過樹隔五陵秋

色早水連三晉夕陽多
漁人遺火成寒燒
牧笛吹風起夜波
十載重來值搖落
天涯歸計欲如何

宿洛都門

山川馬上度邊禽
一宿都門永夜吟
客路不歸秋又晚

西風吹動洛陽砧

對月二首

圓魄上寒空皆言四海

一作遠

同安知千里外不有雨兼

風

盈缺青冥外東風萬古

一作里

吹何人種丹桂不長出輪

枝

贈友人

自說安貧歸未得竹邊門掩小池冰典琴賒酒吟過寺

送客思鄉上灞陵待月夜留煙島客憶雲間訪翠微僧
幾時獻了相如賦共一作去向嵩山採茯苓

笛

剪雨裁煙一節秋落梅楊柳曲中愁尊前暫借殷勤看
明月曾聞向隴頭

漁者

首戴圓荷髮不梳葉舟為宅水為居沙頭聚看人如市
釣得澄江一丈魚

宿潺湲亭

走月流煙疊樹西聽來愁甚聽猿啼幾時御水聲邊住
却夢潺湲宿此溪

臺城

宮殿餘基長草花景陽宮樹噪村鴉雲屯雉堞依然在
空繞漁樵四五家

寄山僧

閒倚蒲團向日眠不能歸老岳雲邊舊時僧侶無人在

惟有長松見少年

題上元許崇所任王昌齡廳

瑠璃堂裏當時客
久絕吟聲繼後塵
百四十年庭樹老
如今重得見詩人

自誚

每到花時恨道窮
一生光景半成空
只應抱璞非良玉
豈得年年不至公

贈河南詩友

山東令族王無塵裁剪煙花筆下春不把瑤華借風月
洛陽才子更何人

寄維揚故人

離別河邊綰柳條千山萬水玉人遙月明記得相尋處
城鎖東風十五橋

孤雲

舒卷因風何所之碧天孤影勢遲遲莫言長是無心物
還有隨龍作雨時

詠棋子贈奕僧

黑白誰能用
入玄十回生死體
方圓空門說得恒
沙劫應笑終年為一先

谷口作

巴客青冥過嶺塵
雪崖交映一川春
晴朝採藥尋源去
必恐雲深見異人

寄弟

故里行人戰後疎
青崖萍寄白雲居
那堪又是傷春日

把得長安落第書

春日有懷

高下尋花春景遲
汾陽臺榭白雲詩
看山懷古翻惆悵
未勝遙傳不到時

鷺鷥障子

剪得機中如雪素
畫為江上帶絲禽
閒來相對茅堂下
引出煙波萬里心

甘露寺僧房

臨水登山路重尋旅思勞竹陰行處密僧臘別來高遠
岫明寒火危樓響夜濤悲秋不成寐明月上千舫

宿江叟島居

一家煙島隈

一作山

竹裏夜窗開數派分潮去千檣聚月

來石樓雲斷續澗渚鴈徘徊了得平生志還歸築釣臺

江村

貧遊無定蹤鄉信轉難逢寒渚暮煙濶去帆歸思重潮
平低戍火木落遠山鐘況是漁家宿疎籬響夜舂

贈進士顧雲

第二句缺二字
第六句缺一字

潮檻煙波別釣津
西京同荻貧
不知守道歸何日
相對無言盡幾春
晴景遠山花外暮
雲邊高蓋水邊
與君愁寂無消處
賒酒青門送楚人

贈頭陀僧

自說年深別石橋
遍遊靈跡熟南朝
已知世路皆虛幻
不覺空門是寂寥
滄海附船浮浪久
碧山尋塔上雲遙
如今竹院藏衰老
一點寒燈弟子燒

尋陽村舍

荒林寄遠居坐卧見樵漁
夜火隨船遠寒更出郡踈
雪迷登岳路風阻轉江書
寂寞高窗下思鄉歲欲除

江樓作

憑檻見天涯非秋亦可悲
晚天帆去疾春雪燕來遲
山水分鄉縣干戈足別離
南人廢耕織早晚罷王師

回鸞閣寫望

古閣上空半寥寥千里心
多年為客路盡日倚欄吟
山

壓秦川重河來虜塞深回鑿今不見煙霧杳沉沉

題宣州開元寺

誰家煙徑長莓苔金碧虛欄竹上開流水遠分山色斷
清猿時帶角聲來六朝明月唯詩在三楚空山有鴈迴
達理始應盡惆悵僧閒應得話天台

此篇一本題作謝公亭懷古云謝家

煙徑長莓苔牢落虛簷竹上開流水不將山色去閒雲
時帶竹聲來六朝舊跡遺詩在三楚空江有鴈迴達理
始應惆悵盡因僧清話憶天台

題友人草堂

空山卜隱初生計亦無餘三畝水邊竹一床琴畔書深
林收晚果絕頂拾秋蔬堅話長如此何年獻子虛

七松亭

七松亭上望秦川高鳥閒雲滿目前已比子真耕谷口
豈同陶令卧江邊臨崖把卷驚迴燒掃石留僧聽遠泉
明月影中宮漏近珮聲應宿使朝天

題友人林齋

喬木帶涼蟬來吟暑雨天不離高枕上似宿遠山邊簾

冷窗中月茶香竹裏泉

一作煙

吾廬近溪島憶別動經年

經宣城元員外山居

無人襲仙隱石室閉空山
避燒猿猶到隨雲鶴不還
澗荒巖影在橋斷樹陰閒
但有黃河賦長留在世間

經九華山費徵君故居

草堂蕪沒後來往問樵翁
斷石荒林外孤墳晚照中
數溪分大野九子立寒空
煙壁曾行處青雲路不通

題賈島吟詩臺

吟魂不復遊臺亦似荒丘一徑草中出長江天外流
暝煙寒鳥集殘月夜蟲愁願得生禾黍鋤平恨即休

遊南岳

入巖仙境清行盡復重行若得閒無事長來寄此生
澗松閒易老籠燭晚生明一宿泉聲裏思鄉夢不成

尋桃源

武林春草齊花影隔澄溪路遠無人去山空有鳥啼
水垂青靄斷松偃綠蘿低世上迷途客經茲盡不迷

青鳥泉

祇此沉仙翼瑤池似不遙
有聲懸翠壁無勢下丹霄
淨瀨煙霞古寒原草木凋
山河幾更變幽咽到唐朝

望巫山

溪疊雲深轉谷遲
暝投孤店草蟲悲
愁連遠水波濤夜
夢斷空山雨電時
邊海故園荒後賣
入關玄髮夜來衰
東歸未必勝羈旅
況是東歸未有期

省中偶作

二轉郎曹自勉蒹葭階吟步想前賢不

一作未

如何遜無

佳句若比馮唐是壯年捧制名題黃紙尾約僧心在白
雲邊乳毛松雪春來好直夜清閒且學禪

秋夕

春恨復秋悲秋悲難到時每逢明月夜長起故山思
巷僻行吟遠蛩多獨卧遲溪僧與樵客動別十年期

山中冬夜

寒葉風搖盡空林鳥宿稀澗冰妨鹿飲山雪阻僧歸
夜

坐塵心定長吟語力微
人間去多事何處夢柴扉

宿劉溫書齋

不掩盈窗月天然格調高
涼風移蟋蟀落葉在離騷
迴筆挑燈燼懸圖見海濤
因論三國志空載幾英豪

歸舊山

昔年山下結茅茨村落重
來野徑移樵客相逢悲往事
林僧閒坐問歸期異藤遍樹
無空處幽草緣溪少歇時
此景一拋吟欲老可能文字
聖朝知

潭上作

竹島殘陽映翠微
雪翎禽過碧潭飛
人間未有關身事
每到漁家不欲歸

楊花落

北斗南回春物老
紅英落盡綠尚早
韶風澹蕩無所依
偏惜垂楊作春好
此時可憐楊柳花
縈盈艷曳滿人家
人家女兒出羅幕
淨掃玉除看花落
寶環纖手捧更飛
翠羽輕裙承不著
歷歷瑤琴舞袖陳
飛紅拂黛憐玉人

東園桃李芳已歇猶有楊花嬌暮春

九華樓晴望

一夜江潭風雨後九華晴望倚天秋重來此地知何日
欲別殷勤更上樓

終南山

帶雪復銜春橫天占半秦勢奇看不定景變寫難真洞
遠皆通岳川多更有神白雲幽絕處自古屬樵人

哭陳陶

先生抱衰疾不起茂陵間夕臨諸孤少荒居弔客還遺
文禪東岳留語葬鄉山多雨銘旌故殘燈素帳閒樂章
誰與集隴樹即堪攀神理今難問予將叫帝關

長門怨


御泉長繞鳳凰樓自是恩波別處流閒揲舞衣歸未得
夜來砧杵六宮秋

御定全唐詩卷六百三十九

謹案卷六百三十五第五頁前四行青衫薄薄漏
春風刊本衫訛山今改

卷六百三十八第十五頁後四行因師滿蜀吟刊
本吟訛今今改





總校官庶吉士臣張能照

校對官檢討臣王鍾健

謄錄監生臣趙之璧

欽定四庫全書薈要卷一萬八千四十五

集部

御定全唐詩卷六百四十

曹唐

曹唐字堯賓桂州人初為道士後舉進士不第咸通中累為使府從事詩三卷今編二卷

昇平詞五首

一作薛能詩

瑞氣遶宮樓
皇居上苑游
遠岡連聖祚
平地載神州
會合兼重譯
潺湲近八流
中興豈假問
據此自千秋

寥泝敞延英朝班立位橫宣傳無草動拜舞有衣聲鴛
瓦霜消濕蟲絲日照明辛勤自不到遙見似前程

處處是歡心時康歲已深不同三尺劒應似五弦琴壽
笑山猶盡明嫌日有陰何當憐一物亦遣斷愁吟

日日聽歌謠區中盡祝堯蟲蝗初不害夷狄近全銷史
筆唯書瑞天臺絕見妖因令匹夫志轉欲事清朝

五帝三皇主蕭曹魏邴臣文章唯返朴戈甲盡生塵諫
紙應無用朝綱自有倫昇平不可記所見是閒人

洛東蘭若歸

一袖老禪床
吾生半異鄉
管弦愁裏老
書劍夢中忙
鳥急山初暝
蟬稀樹正涼
又歸何處去
塵路月蒼蒼

仙都即景

黃帝登真處
青青不記年
孤峰應礙日
一柱自擎天
石怪長棲鶴
雲閒若有仙
鼎湖看不見
零落數枝蓮

漢武帝將候西王母下降

崑崙凝想最高峰
王母來乘五色龍
歌聽紫鸞猶縹緲

語來青鳥許從容風迴水落三清月漏苦霜傳五夜鐘
樹影悠悠花悄悄若聞簫管是行蹤

漢武帝於宮中宴西王母

鰲岫雲低太一壇武皇齋潔不勝懽長生碧字期親署
延壽丹泉許細看劒佩有聲宮樹靜星河無影禁花寒
秋風裊裊月朗朗玉女清歌一夜闌

劉晨阮肇遊天台

樹入天台石路新雲和草靜迴一作細雲無塵煙霞不

和雨動

省一作是生前事水木空疑夢後一作身往往雞鳴巖下

月時時犬吠洞中春不知此一作何地歸何一作依處須就

桃源問主人

劉阮洞中遇一作偶仙子

天和樹色靄蒼蒼霞重嵐深路渺茫雲實一作實滿山無

鳥雀水聲沿澗有笙簧碧沙洞裏乾坤別紅樹枝前日

月長願得花間有人出免一作不令仙犬吠劉郎

仙子送劉阮出洞

殷勤相送出天台仙境那能却再來雲液每一作既歸須

強飲玉書無事莫頻開花當洞口應長在水到人間定
不迴惆悵溪頭從此別碧山明月閉蒼苔

仙子洞中有懷劉阮

不將清瑟理霓裳塵夢那知鶴夢長洞裏有天春寂寂
人間無路月茫茫玉沙瑤草連溪碧流水桃花滿澗香
曉露風燈零落盡此生無處訪劉郎

劉阮再到天台不復見仙子

再到天台訪玉真青苔白石已成塵笙歌冥冥間深洞
雲鶴蕭條絕舊隣草樹總非前度色煙霞不似昔年春
桃花流水依然一作前在不見當時勸酒人

織女懷牽牛

北斗佳人雙淚流眼穿腸斷為牽牛封題錦字凝新恨

一作思拋擲金梭織一作結舊愁桂樹三春煙一作天雲漠漠銀

河一水夜一作帶水悠悠欲將心向一作就仙郎說借問榆花

早晚秋

王遠宴麻姑蔡經宅

好風吹樹杏花香
花下真人道姓王
大篆龍蛇隨筆札
小天星斗滿衣裳
閒拋南極歸期晚
笑指東溟飲興長
要喚麻姑同一醉
使人沽酒向一作餘杭

萼綠華將歸九疑留別許真人

九點秋煙黛色空
綠華歸思頗無窮
每悲馭鶴身難任
一作住長恨臨霞語未終
河影暗吹雲夢月
花聲閒落洞庭

庭風
藍絲重勒金條脫
留與人間許侍中

穆王宴王母於九光流霞館

桑葉扶疎閉日華，穆王邀命宴流霞。
霓旌著地雲初駐，

金奏掀天月欲斜。
歌咽細風吹粉蕊，

一作藻

飲餘

一作酣

清

露濕瑤砂不知白，
馬紅韁解偷喫東田碧玉花。

紫河張休真

琪樹扶疎壓瑞煙，
玉皇朝客滿花前。
山川到處成三月，

絲竹經時即萬年。
樹石冥茫初縮地，
杯盤狼籍未朝天。

東風小飲人皆醉，
從聽黃龍枕

一作拋

水眠

張碩重寄杜蘭香

碧落香銷蘭露秋，星河無夢夜悠悠。靈妃不降三清駕，

仙鶴空成萬古

一作里

愁皓月隔花追欸

一作歎

別瑞

一作飛

煙籠樹省淹留人間何

一作有

事堪惆悵

一作遺恨

海色西風

十二樓

玉女杜蘭香下嫁於張碩

天上人間兩渺茫，不知誰識杜蘭香。來經玉樹三山遠，
去隔銀河一水長。怨入清塵愁錦瑟，酒傾玄露醉瑤觴。

遺情更說何珍重
擘破雲鬟金鳳皇

蕭史攜弄玉上昇

豈是丹臺歸路遙
紫鸞煙駕不同飄
一聲洛水傳幽咽
萬片宮花共寂寥
紅粉美人愁未散
清華公子笑相邀
綵山碧樹青樓月
腸斷春風為玉簫

皇一作黃初平將入金華山

莫道真遊煙景賒
瀟湘有路入京華
溪頭鶴樹春常在
洞口人家一作問日易一作自斜
一水暗鳴迴一作間遶澗五

雲長往不還家白羊成隊難收拾喫盡溪邊巨勝花

漢武帝思李夫人

惆悵冰

一作朱

顏不復歸晚秋黃葉滿天飛迎風細行傳

香粉隔水殘霞見畫衣白玉帳寒鴛夢絕紫陽宮遠雁

書稀夜深池上蘭橈歇斷續歌聲徹

一作接

太微

送羽人王錫歸羅浮

風前整頓紫荷

一作霞

中常

一作歸

向羅浮保

一作報

養神石

磴倚天行帶月鐵橋通海入無塵

一作津

龍蛇出洞間邀

雨犀象眠花不避人最愛葛洪尋藥處露苗煙蕊

一作雨

滿山春

送劉尊師祇詔闕庭三首

海風葉葉駕霓旌天路悠悠接上清錦誥淒涼遺去恨

玉簫哀絕醉離情五湖夜月幡幢濕雙闕清風劒珮輕

從此

一作莫道

暫辭華表柱便

一作已

應千載是歸程

五峰已

一作此

別隔人間雙闕何年許再還既埽

一作拂

山

川收地脉須留日月駐天顏霞觴共飲身雖在風馭難

一作今

陪跡

一作路

未閒從此枕中唯

一作雖

有夢

一作記

夢魂

何處訪三山

仙老閒眠碧草堂
帝書徵入白雲鄉
龜臺欲署長生籍
鸞殿還論不死方
紅露想傾延命酒
素煙思熟降真香
五千言外無文字
更有何詞贈武皇

三年冬大禮五首

皇帝齋心潔素誠
自朝真祖報升平
華山秋草多歸馬
滄海寒波絕洗兵
銀箭水殘河勢

一作影

斷玉爐煙盡日

華生千官整肅三天夜劒佩初聞入太清

海日西飛度禁林太清宮殿月沉沉不聞北斗傾堯酒
空覺南風入舜琴歌壓鈞天閒夢盡詔歸秋水道情深
雪風更起古杉葉時送步虛清磬音

太一天壇降紫

一作大

君屬車龍鶴夜成羣春浮玉藻寒

初落露拂金莖曙欲分三代樂迴風入律四溟歌駐水
成文千官不動旌旗下日照南山萬樹雲

山擁飛雲海水清天壇未夕仗先成千官不起金縢議

萬國空瞻玉藻聲禁火曙然煙一作香焰裏宮衣寒拂雪

花輕側聞左右皆周呂看取從容致太平

太和琴暖發南薰水濶風高得細聞滄海舉歌夔是相
歷山迴禪舜為君翠微呼處生丹障清淨封中起白雲
今日病身慙小隱欲將泉石勒移文

暮春戲贈吳端公

年少英雄好丈夫大家望拜執一作從金吾閒眠曉日

又作漢

聽鶗鴂笑倚春風仗一作杖轆轤深院吹笙聞一作從漢婢

靜街調馬任奚奴牡丹花下

一作外

簾鉤外

一作下

獨凭紅

肌

一作開

捋虎鬚

奉送嚴大夫再領容府二首

海風捲樹凍嵐消憂國寧辭嶺外遙
自顧勤勞甘百戰不將功業負三朝
劒澄黑水曾焚虎箭劈黃雲慣射鵰
代北天南盡成事肯將心許霍嫖姚

日照雙旌射火山

嶺表錄云梧州西有火山下有澄潭無底山頭夜見火二尺如野燒然廣

十餘丈或言水中有寶珠也焰如火山產荔枝四月子丹以其地熱故曰火山

笑迎賓從却南

還風雲暗發談諧外感會潛生氣槩間
蘄竹水翻臺榭濕刺桐花落管弦閒
無因得覩真珠履親從新侯定八蠻

贈南嶽馮處士二首

白石溪邊自結廬風泉滿院稱幽居
鳥啼深樹斲靈藥花落閒窗看道書
煙嵐晚過鹿裘濕水月夜明山舍虛
支頤冷笑緣名出終日王門強曳裾

寂寥深木閉煙霞洞裏相知有幾家
笑看潭魚吹水沫

醉噉溪鹿吃蕉花穿廚歷歷泉聲細繞屋悠悠樹影斜
夜靜著灰封金竈自添文武養丹砂

題子姪書院雙松

自種雙松費幾錢頓令院落似秋天能藏此地新晴雨
却惹空山舊燒煙枝壓細風過枕上影籠殘月到窗前
莫教取次成閒夢使汝悠悠十八年

羽林賈中丞

四十年前百戰身曾驅虎隊掃胡塵風悲鼓角榆關暮

日暖旌旗隴草春
鐵馬慣牽邀上客
金魚多解乞佳人
胸中別有安邊計
誰睬髭鬚白似銀

送康祭酒赴輪臺

灞水橋邊酒一杯
送君千里赴輪臺
霜黏海眼旗聲凍
風射犀文甲縫開
斷磧簇煙山似米
一作火野營軒地鼓
如雷分明會得將軍意
不斬樓蘭不擬迴

南遊

盡興南遊卒未迴
水工舟子不須催
政思碧樹關心句

難放紅螺蘸甲杯漲海潮生陰火滅蒼梧風暖瘴雲開
蘆花寂寂月如練何處笛聲江上來

哭陷邊許兵馬使

北風裂地黯邊霜戰敗桑乾日色黃故國暗迴殘士卒
新墳空葬舊衣裳散牽細馬嘶青草任去佳人弔白楊
除却陰符與兵法更無一一作異物在儀牀

和周侍御買劍

將軍溢價買吳鉤要與中原靜寇讐試挂窗前驚電轉

略拋床下怕泉流
青天露拔雲霓泣
黑地潛擎鬼魅愁
見說夜深星斗畔
等閒期尅月支頭

病馬五首呈鄭校書章三吳十五先輩

騶駟

一作綠耳

何年別

一作到

渥洼病來顏色半泥

一作塵

沙四

蹄不鑿金

一作銀

砧裂雙眼慵開玉筋

一作燭

斜墮月兔毛

乾齧齧

一作輕

失雲龍骨瘦牙槎

一作查牙

平原好放

一作牧

無人放嘶向秋風
苜蓿花

隴上沙蔥葉正齊
騰黃猶自踞羸蹄
尾蟠夜雨紅絲脆

頭拌

一作掉

秋風白練低力憊未思金絡腦影寒空望錦

障泥階前莫怪

一作錯

垂雙淚

一作耳

不遇孫陽不敢

一作肯又

用作嘶

不剪焦毛鬣半翻何人別

一作識

是古龍孫霜侵

一作風吹

病

骨無驕氣土蝕驄花見臥痕未噴斷

一作得噴

雲歸漢苑曾

追輕

一作曾飛

練過

一作適

吳門一朝千里心猶在爭

一作誰

肯潛忘

一作施

秣飼恩

空被秋風吹病毛無因濯浪刷洪濤臥來總怪龍蹄跂

一作阻

瘦盡誰驚虎口高追電有心猶款段逢人相骨強

嘶號欲將髻

一作髻

鬣重裁剪乞借新成

一作城

利鉸刀

病久無人著意看玉

一作五

華衫

一作毛

色欲凋殘飲驚白

露泉花冷喫怕清秋

一作風

荳葉寒長褰敢辭紅錦重舊

韁寧畏紫絲蟠王良若許相擡策千里追風也不難

長安客舍叙

一作懷

邵陵舊宴寄永州蕭使君五

首

邵陵佳

一作樓

樹碧蔥蘢河漢西沈

一作星流

宴未終殘漏五

更傳一作海月清笳三會揭天風香熏舞席雲鬟綠光

射頭一作盤蠟燭紅今日却懷一作行樂處兩床絲竹

水一作樓中

不知何路却一作飛翻虛受賢侯鄭重恩一作夜清

歌敲玉樹一作三年洪飲倒一作金尊招攜永一作感

雙魚在一作報荅空知一作一劒存狼籍梨花滿城月

當時長醉信陵門

粉堞一作雉彤一作軒畫障西水雲紅樹宰璇題鷓鴣

欲

一作影

絕歌聲定鸚鵡初驚

一作身翻

舞袖

一作翅

齊坐對玉

山空

一作難

甸線細聽金石怕低迷東風夜月

一作月下

三年

飲不省非時

一作未歸時

不似泥

木魚金

一作銅

鑰鎖春

一作重

城夜上紅

一作江

樓縱酒情竹

葉

一作箭

水繁更漏促桐花風軟管弦清百分散打銀船

溢十指寬催玉筍輕星斗漸稀賓客散碧雲猶戀豔歌

聲

三年身逐漢諸

一作楚公

侯賓榻容居最上頭飽聽笙歌陪

痛一作夜飲熟尋雲水一作樹縱閒遊朱門鎖閉煙嵐暮鈴

紫一作涼閣清冷一作水木秋月滿前山圓一作風不動更邀

詩客上高一作醉南樓

勗劍

古物神光雪見羞未能擎出恐泉流暗臨黑水蛟螭泣
潛倚空山鬼魅愁生怕雷霆號澗底長聞風雨在牀頭
垂情不用將閒一作云此移切氣惱亂司空犯斗牛

仙都即景

蟠桃花老華陽東軒后登真謝六宮旌節暗迎歸碧落
笙歌遙聽隔崆峒衣冠留葬橋山月劒履將隨浪海風
看却龍髯攀不得紅霞零落鼎湖空

望九華寄池陽杜員外

戴月早辭三秀館遲明初識九華峰
差差玉劒寒銚利
裊裊青蓮翠葉重
奇狀却疑人畫出
嵐光如為客添濃
行春若到五溪上
此處褰帷正面逢

御定全唐詩卷六百四十